

تاریخ عثمانی انجمنی

۱ بیان
۱۳۳۰

پنجمی سنہ
نومبر ۲۰

مجموعہ سی

استقلال عثمانی تاریخ و کونی حقهده تدقیقات

دولت عثمانیه نك يوم استقلالی اولان كونده اختفالی ملی یاییله رق او كونك اعیاد ملیه دن اعتبار وسنه دوریه سی تکرار اولنق لزومی ادراك اولنجه او يوم محترمك تاریخ حقیقیسی بیلمك مسئله سی تظاهر ایلشدر . تکمیل عثمانلی مملکتنده طاننه جق برعید ملینك زمانك حقیقت تاریخیه به استاد ایلمسی و بونکده حکومتجه تصدیق طبیعی بر کیفیت عد ایدلك ضروریدر . بونی نظر دفته آلان معارف عمومیه نظارت جلیله سی مطلوب اولان يوم استقلالك زمان تاریخیسی و نائق و مستشهداته استناداً تحقیق و تعیین ایلك خصوصنی تاریخ عثمانی انجمنه حواله ایدرك مبدأ استقلال عثمانی اولان كونك تعیین اولنسی فی ۲۸ كانون ثانی سنه ۳۲۹ تاریخی و نومرولو تذکره ایله انجمن ریاستنه اشعار ایلشدر .

انجمن بو مسئله تاریخیه نك قارشوسنده هر درلو وسائله مراجعت ایتمك صورتیله صرف مساعی ایلبور . تدقیقات واقعه دن بو گونه قدر حصوله کلان نتایجك جمع و تلفیق خدمت مفتخره سی انجمن طرفندن عهدۀ عاجزانه حواله اولندیقندن بر وجه آتی ترقیم مسوداته ابتدار اولنور .

شمدی به قدر تدقیق اولنان تاریخلرده موضوع بحث اولان استقلال کیفیتنه دائر ایضاحاتی حاوی اولدینی کوریلان فقره لر آتیده یازلمشدر :

۱ — (فصل فیما وقع من الحوادث فی السنة التاسعة والتسعين بعد الستمائة)

(ذکر خروج السلطان الناصر من دمشق بمساکره الی لقاء قازان)

(ثم خرج السلطان الجیش من دمشق يوم الاحد السابق عشر من ربيع الاول

من هذه السنة)

(کانه الوقعه يوم الاربعاء الثامن والعشرون من ربيع الاول من هذه السنة)

عقودالجمان : عینی تاریخی

۲ — (والحاصل دولت ازلیه ظهوره کلوب سنه ۶۹۹ شهودنده آل سلجوق منقرض اولوب سلطان علاءالدین کيقبادین فرامرز انتالندن صکره سلطنت روم اختلال بولوب واوج غازیلری جمعیت ایدوب اجماع امت ایله سلطان عثمان خان غازی تخت سلطنته جلوس ایدوب خطبه وسکه نام هاپونلریله بلند اولدی .)
جام جم آیین

۳ — (رأس مائه سابعه هجرت مصطفوی وزمان سرایت فتوت ملت نبویه عمالك اسلامیه رومده لشکر همومك ایام هجومی که ۶۹۹ سنه سی شهودنده واقع اولمشدر . هجرت نبویه نك یدی یوز سنه سی شهودنده دست واختیار واعتباری بیعت عثمانی به نهاده)

هشت بهشت

۴ — (التمس طفوز بیل عمر سوروب قرق بیله قریب بکلك ایلدی اما سلطان علاءالدین رحمه الله وفاتندن صوکره استقلال اوزرینه بکلك ایلدی .)

سبحة الانبياء و تحفة الابداء : درویش محمد بن الشيخ رمضان
۵ — (ارطغرول وفات ایدیمک عثمان غازی انک برینه او طوروب سلجوقیلره انقیاد ایدردی اوت اول اوجده کی ترکلر بکلری که او غزک بوسندن اول او جلره تاتار شرندن یا بلشردی آنده یازلر قشلا لرلردی روزکار ایله خیلی چوغالمشردی فی الجمله اول اوغز دیدکلری و اول ایلك بکلری و کتخدالری جمع اولوب عثمان غازی قاتنه کلوب مشورت ایدوب ایشک اوکنی و صوکنی طانشدیلر چوق قیل و قالدن صوکره سوزلرنک اختیاری و محصلی بو اولدی کیم عثمان غازی به ایتدیلر سزقایی خان نسلندن سز قایی خان خود جیمع اوغز بکلرینک اوغز دن صکره اغالری و خانلری ایدی و کوین خان وصیتی و اوغز طره سی موجبجه اوغز نسلندن کیمسه اولیجق خانلق و پادشاهلق قایی صوی و ار ایکن اوزکه بوی صویته دکز و شمدن کپرو سلجوقیلردن بزه مدد چاره یوقدر مملکتک جوغی الارندن کیتدی و تاتار انلرک اوزریشه غالب اولوب وهم مرحوم سلطان علاءالدیندن بابا کره و سزله صفا نظر اولمشدر بو او جلره سزه اجازت و پروب اول بکلمشدر ایله اوله سزخان اولقی کرکمز سزله سلطنته و خانلغه لیاقت و اراتفاق دخی بولنسون زیرا سلطنت یا اتفاق ایله یا استحقاق ایله اولور بز سزله کرکی کبی مطیع و منقاد اولوز تا کیم بو طرفلرده دلیل خوشلتی ایله غزا ایدلم دیدیلر عثمان غازی دخی رحمه الله تعالی سوزلرین قبول ایدوب یس مجموع بکلر و کتخدالر و اوغز طائفه سی آنده جمع اولانلر او رو طوروب اوغز رسمنجه اوج کره بو کونوب باش قودیلر اندن درلو

بالرودن وقزلردن کتوروب عثمان غازی یہ صفرای صونیدیلر چون ایجدی چاوشلر
ابحیاتلر صحتلر عافیتلر وپادشاهلق مبارک اولسون دیو دعالر وئالر ایتدی .
لطفی پاشا

۶- (۱ - ۷۰۳ ده وفات ایلدی . سلطان محمود غازانک سلطنتی طغوزیل
اولوب ملوک جنکیزیه نك ایوسی ایدی . سلطان عثمان خان بن ارطوغرل غازینک
سلطنته جلوسی بوتک وفاتندن اوچ ییل اول ایدی .)

(ب - مبدأ شاهان خلافت شعار * حضرت عثمان ولایت مدار
ولادت باسعادتش ۶۵۶ سنه . آمدن سنجاق باو ازطرف سلطان علاءالدین
کیقباد ۶۸۸ سنه . جلوسش برتخت سلطنت ۶۹۹ سنه . تاریخ منلا ادیسی ده
جلوسی اول شهر سنه سبعمأده ایدی دیو مذکوردر . مدت عمرش
صراآت کائنات (۶۹)

۷ - (سنه تسعه وتسعین وستمائهدده لشکر غازان رومه مستولی اولوب
سلطان علاءالدین محبوس وایالت رومدن مأیوس ایدوب برمدت امرای موغول
حکومت روم ایله مرسوم اولشلر ایدی اول زمانده رومک اکثر اعیانی ظل
حمایت عثمان خانی پناه امن امانی ایدینوب مقام اطاعتده اقامت واتمام شرائط عبودیتده
استقامت کوستردیله اکثر توارینخده ابتدای جلوس عثمانی بوسنه دن تعیین
اولندیفنک منشأی بودر والا قرهجه حصارده بوندن اسبق نصب قاضی وخطیب
ایدوب اسم سامیلرینه خطبه اوقوندینی مشهوردر .)

تاج التوارخ : سعدالدین افندی

۸ - (مولانائسری ، روحی ، اورندی ، تویقی رمضان زاده ، خواجه
سعدالدین ، سید نعمان خاقانی دودمان عثمانینک ۶۹۹ سنه سنده مبدأ بولدیفنی
اتفاقاً)

کنه الاخبار : عالی

۹ - (..... سنه تسع وتسعین وستمائهدده لشکر غازان رومه مستولی
اولوب سلطان علاءالدین محبوس وسلطنت رومدن مأیوس اولدقدده رومک اکثر
اعیانی ظل حمایت عثمان خانی پناه امن وامانی ایدندیلر اکثر اهل توارخ ابتداء
جلوس عثمانی بوسنه ده تعیین ایتدکلرینک سببی بودرکه قرهجه حصارده بوندن
اسبق نصب قاضی وخطیب ایدوب اسم سامیلرینه خطبه اوققدغنی مشهور وکتب
توارینخده مسطوردر . حوالیسی والی عالی مقداردن خالی قالوب اوغوزبکلرینک
کثری عثمان بکل آستان سعادت آشیانه یوزسوردیلر . بنای سرای قایی خانی
مؤید ومشید اولدی .)

— اعمال سلطنت واحوال مملکت اختلال بولوب امور جمهور انحلال بولیبج عثمان بك جهان بانلق میداننده مطلق العنان اولدی . سلطان عالی شان اولوب عنوانی امیرکن خان اولدی . هجرتك ۶۹۹ نجی یلنده كرسی امارت دن عرش سلطنته عروج ایلیوب فرش ملکی دوشندی .

تلخیص تواریخ : حسن بك زاده

۱۰— (فی م زبردست سلجوقیان ده اولان ممالک لشکر مورشار تانار مسلط اولوب سلطان علاءالدین اول بدآینلر نیجه استیلاسنده زبون اولغین بر مقتضای رعیت نوازی کریبان عجزه وزیر دستانی نیجه قهر بیداد کران دن تخلیص ایچون عثمان غازی صریح نشین سریر سلطنت ورعیت نوازی اولوب طورسون قییه امام عزیز جامع قره جه حصارده اسم سامیله مسکی الحتام خطبه بدیع الطرز سبحانی الصناعه قرائت ایلدی فی سنه تسع و تسعین و ستانه . مثلارای تاریخنده نام نامی عثمانی رؤس منابره عام مزبور دن ۱۱ سنه مقدم مذکور اولدینی مطوردر .)

روضه الابرار : قره چلی زاده

۱۱— (دیار رومده دولت سلاجقه انقراض بولدقه ترکان بکلری مغول طاقه سنه اطاعتدن استنکاف ایلوب بالمله غازی حضرت ترنك شمعنه جمع اولدیلر و اوغوز خان قاعده سی اوزره اوکنده دیز چوکوب غازی دخی هر برینه برر قدح قر صوندی آلوب اطاعة نوش ایندیلر پس بو وجهله ۶۹۹ یاخود ۷۰۰ ده امر بیعت تمام اولدی خطبه اسملرینه او قونق برقاچ سنه مقدم اولمش ایدی .)

منجم باشی تاریخی

۱۲— (التیوز سکان سکز تاریخنده سلطان علاءالدین ثانی طرفندن طبل و علم و شمشیر و خلعت و منشور ایالت ایله توقیر اولمش ایدی التیوز طقسان طغوز تاریخنده فرق اوچ یاشنده بروجه بالا استقلال ایله صریح نشین سریر اجلال اولدی ابتداء دولت عثمانیه بوتاریخدن اعتبار اولنق مجرد آل سلجوق انقراضنه بناء در یوخسه اون برسنه مقدم قره جه حصارده قاضی نصب اولوب نام هایونلرینه خطبه او قنمشدر .)

حدیقه الملوك

۱۳— (سلطان علاءالدین دخی تانار النده گرفتار اولقله اکثر امراء روم ظل حمایت عثمانی به النجاه کتف عنایتنده رجا ایتمکین جلوس سعادت مأنوسلری اول سال فرخنده فالنن اعتبار اولمشدر که آلتی یوز طفسان طغوز سنه سیدر . ایکی سنه مقدم نام نامیلرینه خطبه او قنمش ایدی . سال مذکورده تعیین ایندکلری بیعت تامه دن عبارتدر .)

فهرس دول

۱۴— (۶۹۹ ده خطبه وسکه او قندی کرچه بوندن اقدام خطبه وسکه

قوت کلوب التیوز سکان سکرده خطبہ قرائت ایتدیرمش ایدی لکن کندویہ
 طبل علم اعطا ایدن سلطان علاءالدینہ مراعاتہ وفاتنہ دکین قطع ایتمش ایدی
 علاءالدین ۶۹۹ دە فوت اولوب نسلدخی منقرض اولمفلہ خطبہ بہ مباشرت ایتدی)
 صرئی التوارخ : فندقلیل سلیمان افندی بن
 شمعدانی زاده

۱۵ — ۱ — (..... استقلال حکومتہ دلیل جلیل اولوق ایچون طبل
 ونفیر و علم و شمشیر ایله بر ثوب مطلا و بر اسب حریز بنی ہمتا ارسال ایلدی
 ایدی بو تشریفات پادشاهی ہجرتک ۶۸۷ سنہ سی ذی القعدہ تک ۱۷ نجی کوئی
 ایکندی وقتی واصل اولدقده)

خیراہ افندی تاریخی : جزؤ ۲

صفیہ ۳۹

ب — (سلطان علاءالدین کیبادک منشوری واصل اولدقده خطوات
 اجمال ایله استقبال اولنوب اعلان قلندقدن صکرہ مشارالیہ عثمان خانک اصرا
 حکومتده استقلال کاملہ سی منشور مذکورک تاریخی اولان ۶۸۸ سنہ سی شوالک
 خیراہ افندی تاریخی : جزؤ ۲)
 اوائلدر .)

صفیہ ۵۵

توضیح — اولکی تشریفات غیاث الدینکدر بو فرمان امارت
 علاءالدینکدر . روش معاملہ بہ نظراً اولکی تشریفات ایله رسماً طائمش اولان
 عثمان بکک حکومتی بر منشور ایله تأیید اولمقده در .

ت — (سلطان علاءالدین شہنشاہ جهان غازان محمود خانک اطاعتدن
 خروج ایتدیکیچون غازان خان طرفندن عساکر سوق ایدیلوب مشارالیہ سلطان
 علاءالدینی طوتوب حبسہ القا ایلدی عثمان خانک کوکب اقبالی افق
 سعادتدن طلوع ایتسیلہ سلطنت سلجوقیہ تک بعدازین اعادہ اقبال واستقلال
 ایدہمہ جکی ملابسہ سیلہ [علاءالدینک خلنی غیاث الدین] چند کون سرورندہ
 امرانک اتفاقیلہ ہجرتک ۷۰۰ تاریخندہ غیاث الدین اعدام)

خیراہ افندی تاریخی : جزؤ ۲

صفیہ ۵۸

ث — ([سلجوقیہ انقراضی] پوفترت اٹناسندہ کیسہ سز قالوب اورتہ دە
 بولنار دخی مشارالیہ عثمان خانہ التجا ایدوب طویلاندقلرندن جہانبانلق میداندہ
 مطلق العنان اولوب سلطان عالیشان اولدی .) خیراہ افندی تاریخی جزؤ ۲

صفیہ ۵۹

ج— (... بووقایعک] تأسس سیننده و سلجوقیه انقراضی کونلرنده کی وقایع]
 مجموعی مجرنک ۶۰۰ طقسان طقوزی ایله ۷۰۰ ک آره سنده واقع اولمشدر .
 تواریخ سائرده آل عثمانک ظهوری ۶۹۹ سنه سنده اولسی مجرد آل سلجوقک
 کلیاً انقراضلرینه میندر یوقسه کندولرینه دفعه اولی اولهرق (خطه بید) ک
 تأیدی ۶۸۳ رمضانک ۷ نجی کونی و اخیراً تشریفات شاهی ۶۸۷ سنه سی
 ذی القعدة سنک ۱۷ نجی کونی وفرمان دیکر دخی ۶۸۸ شوالی اوائلنده کلش
 و عثمان خان نامنه ایلك خطبه ۶۸۸ سنه سی رجب شریفک ایکنجی جمعه کونی
 اووقومش ایدی .)
 خیراه افندی تاریخی

جزؤ ۲ ، صحیفه ۶۰

۱۶ — (۶۹۹ سنه سی تأسیس ایندیکی دولت عثمانیه تماماً کسب استقلال
 ایلدیکندن عثمان غازی حضرتلرنک مبدأ سلطنتلری سنه مذ کوره جمادی الاولیسنک
 درنجی کونی اعتبار اولمقده در .)

رسمی سالنامه سنه ۱۳۳۰

۱۷ — (۶۹۹ انهزام ملک ناصر پادشاه مصر در جنک سلطان مغول و غازان
 در میان حص و سلمه و استیلاء غازان بر بلاد شام و ظهور دولت آل عثمان .)
 کاتب چلبی - تقویم التواریخ

۱۸ — (عثمان غازی بوجه مشروح بر سننچاق و ایلیکی هیئت کسب
 ایلدکن اون ایکی سنه سرورنده غلبه تدریجیه تانار دولت سلجوقیه بی کاملاً
 مضحل و تارمار ایتمش اولسیله اصرای سلجوقیه دن کر میان اوغلی کوتاهیبه ده
 و قره سی و ساروخان و آیدین و منتشا و حمید اوغللری ناملرینه منسوب اولان
 یرلرده و استغنیار و رمضان و ذوالقدریه اوغللری قسطنونی و ادنه و سرعش
 طرفلرنده وقتاً بوقتاً اعلان استقلال ایلدکلری مثلوعثمان غازی دخی التیوز طغسان
 طقوز تاریخنده نامنه خطبه قرائت ایندییره رک حوزه حکومتنده واصل مرتبه
 استقلال و استبداد اولدی .)

نتایج الوقعات : مصطنی پاشا

بونلرک هیئت مجموعه سنک مطالعه سندن اکلشلا دیغنه کوره ۶۹۹
 سنه سی مبدأ استقلال اولهرق قبول ایلمشدر .

وقایع متنوعه نک جریاننه زمان حدوث اولان عثمانلیفک ده اولکی
 سنه لرنده استقلال کیفیتنه علامت اوله حق برچوق و قه لر جریان ایتمش
 و مورخیندن بر قسمی بووقایی اساس اتخاذا ایدرک استقلالک ۶۸۸

۶۹۷ سنہ لرنده وقوعی یازمشلردر . شوروايت اطرافنده زمرة ناقلانك برجزؤ قلیلی طوپلانمشدر. انجق مورخاردن قسم اعظمی ۶۹۹ تاریخنك مبدأ استقلال اولدیقنده اتفاق ایشلردر . [۱] ذکر اولنان سنه مورخینك اکثریت عظیمه سنجه سال استقلال اوله رق قبول ایدلسنه نظراً تدقیق اولنه جق مسئله سنه نك دكل استقلال کونك تعیینده قالمشدر . بو قیودات اره سته بعض تصادف اولنان ایضا حادتن دخی کیفیت استقلالك بر رسم مخصوص ایله اجرا ایدلدیکی اكلاشلمقده ایسه ده بو رسمك هانکی کون یاپلش اولدیقنه دائر تدقیق اولنه بیلان ائارده ممین بر قید بولنه مامشدر .

قیودات تاریخیه شو بولده اجمال ایدیله بیلور : غازی ارطغرل بلك وفاتیه عثمان بلك ریاسته کیمسندن اعتباراً [۶۸۰ هجری] ۶۹۹ سنه قدر کچن زمان ظرفنده عثمانلی امارتنك موفق اولدیق فتوحات بوامارت ارکانه وبالخاصه رئیسنه بر موقع مستتا وردیکی حالده عثمانلی خاندانی حقوق نعمت شناسی به حرمتله دولت سلجوقیه یی طانیمقدن واز کیم یوب انلرك معیتلرنده یشادقلری وکویا انلرك حسابنه اجرای حکومت ایدلکری حالده آل سلجوقك حکومتلرینك تمامی انحلالنده « سلطان علاءالدین گقبابدن فرامرزك انتقالدن صکره [۲] سلطنت روم اختلال بولوب و اوج [۳] غازیلری جمعیت ایدوب اجاع امت ایله سلطان عثمان خان تحت سلطنته [۴] جلوس ، کیفیتی واقع اولمش وبوصره ده قیز صونمق ، ال اویمك وامثالی مراسم اجرا ایدلمشدر .

مبدأ استقلال اوله جق کون ایشته بو رسمك اجرا ایدلدیکی کون

[۱] بو اتفاق روایات اکثرأ سلطان سلجوق علاءالدینك ختام حکومتیله مقیددر .

[۲] سلطان علاءالدینك وفاتی دكل الحان اعظم طرفندن عزل وحبس ایدلسی .

[۳] سرحد امراضی دیمکدر .

[۴] (جام جم آیین) نام تاریخدن .

اوله جق ایسه ده بونک تقویم تاریخیسی تدقیقی میسر اولان و نائقه هوز مصادف نظر اوله مدی .

بالکز اورته ده بوکونه دائر موجود اولان یکانه قید رسمی سالنامه ده مندرج اولان (۴ جمادی الاولی سنه ۶۹۹) تاریخی ایسه ده بونک سالنا- مه دن بشقه بربرده کورلماسی و بو تاریخی کتابلرنده ذکر ایدن متأخرین مؤرخینک [۱] سالنامه دن اقتباس ایتدکلی محقق اولسی چونکه سالنامه لردن اول یازیلان ائارده هوز بر قیده تصادف ایدلماسی جهتیه بو تاریخنک نصل بر اساس ایله سالنامه یه کچدیکی و زره دن انشعاب ایلدیکی کیفیتی آراشدیرملق اقتضا ایلیور .

ایلك سالنامه (۱۲۶۳) تاریخنده نشر ایدلشعدر ذکر اولنان قید تاریخی بو برنجی سالنامه نسخه سنده موجود دکلدرد . (۱۲۶۸) تاریخنده نشر ایدیلان التنجی نسخه سالنامه نك تقویم قسننده ایلك دفعه اوله رق مقید بولمشدر . اندن صکرده زمانمزه قدر بالمله سالنامه لره درج اولمشدر . شو قید تاریخی سالنامه یه کچمک ایچون هانکی وثیقه یه استناد ایلدیکی بیلندیکی و بوده کسب و ثوق ایلدیکی تقدیرده مسئله حل ایدلش اوله جقدر . بونک ایچون انجمن طرفندن و نائق موجوده و کتب معلومه ده بو قیدک وجودی تحری ایلدیکی کبی بر طرفندن مطبوعاته اعلان و بریلرک عموم عثمانیلرک علاقه دار اولدقاری بو مسئله ده هر کسک معلومانه مراجعت اولمش و معلوماتی اولانلرک انجمنه بیلدیرملری رجا ایدلشدر .

عینی زمانده ده روایات و معلومات اساسیه تاریخنه نك یکدیگرینه تعلق و اخبارات متنوعه نك بو وقعه حقیقه کی تنویراتی نظر دفته آلته رق استقصا طریقیه ده کشف مقصده موفق اولق جهتی اهمال ایدلما مکده در . ایشته شو اوج طریق ایله ده مقصده وصول چاره لری اراشلشدر .

بو وسائط نلته دن معلومات عمومییه مراجعت ایچون غزته ایله وقوع

[۱] شمی ملانک اعمار التواریخ ، فریق اکاه باشانک وقایع تاریخیه نام اثر لری .

بولان مراجعت اوزرینه شمیدی به قدر انجمنه یالکز ایکی مکتوب وارد اولش و برده غزته ایله جواب ویرلشدر .

ایز میربانیق عثمانی مأمور لرندن (احمد بهاء الدین) امضالی اولان بر مکتوبده

« مردم مورغبیندره اولوب تاریخچه اونوز نه مقدم طبعه مباشرت ابریلوب دور سابقه هنوز مطبوعه ایکن احراق ایندر طبعه و مرهوم برده انجه برده سی قاطعه اولاره تاریخ عثمانیه بوم استقبل عثمانی نك ۶۹۹ سنه هجریه سی ر ۶۸۵ سنه هجریه شمسی هیزر انك طغوزنجی کوته مصارف اولدیفی قید ابرلشدر و بو ائاده اسکی شهر ی ترک ایله برده ایله اینییه اده سنه کی یکی شهری مفر حکومت انخان ایله یکنی عهده ایتمکده در » دیه ویریلان ایضاحات ایله یه لاعلی النمین برکون ارانه سندن بشقه بر فائده استحصال اولنه مامشدر . زیرا بیان اولنان کونک نه کبی بروثقه و معلومات ایله تحقیق ایلدیکی بیلنه میور . [۱]

ایکنجی مکتوبده دخی کمرکدن قاچیزیلیرکن در دست ایلدیلن بر اثر تاریخیده بویله برقید اولدینی اخبار اولتیور سده معلوم اولان مذکور کتایده دخی بویله بر معلومات اولدینی جهته هیچ بر فائده استحصال ایدیله مامشدر .

غزته ایله ویریلان جوابده دخی ۶۸۰ و ۶۸۸ سنه لری وقوعاتی ذکر اولدقدن صکره :

د ۶۹۹ سنه سی ۴ جمادی اولنده سلجوقه دولتک آخیری اولاره عهده الدین دولت هنجکیزیه یارداھی اولاره (غزانه) جهته اسپر درشمی اوزرینه سلطان غازی اسپر تاریخ و بومده استقبل و سلطنتی امران بومشدر . شو مالد سالنامه نك کوسنردیکی ۴ جمادی اولی تاریخ نك اساسی

[۱] صاحب مکتوبه ابروجه مکتوب تحریر اولنورق بو خصوصه دائر مذکور ائوده دهافضله معلومات و کندیلرنده بشقه وثیقه و ارایسه اشعار و بیانی رجا ایلدشدر .

مذکور اوزرینه ابتدا ایلدیکی تظاهر ایلدیور دیمکدر. اهضا : یوسرتلفراف
نظارتنره علی غالب .
زمینده ایضاحات ویرلشدر .

بویانات شایان تدقیقدر. سلطان علاءالدینک غازان خانه اسارتی تاریخی
۴ جمادی اولی اولدینی بروثیقه ایله تعیین ایدرسه - عثمان غازی دور اول
حکومتده مراعات حقوق ایله سلجوقی حکمدارینه حرمتدن آیرلمدینی
وانک وفاتیله اعلان استقلال ایلدیکی حقنه کی کتب تواریخک منفق علیه
اولان اخباری قرینه سیله مذکور تاریخک مبدأ اتخاذا قبول ایدیه بیلور.
فقط علاءالدینک غازانه اسارتی کونی حقنه زرده برقید تاریخی
موجود اولدینی بیلنه مدیکندن بوکا وثیقه سز حکم ایتمک طوغری اوله مز.
بوکونک تاریخی کتب معتبره دن برنده محرر اولدینی حالده مسئله دائرة
حله کیرمش اولور . آنجق بروثیقه کوسترلملیدر .

شمسی به قدر تدقیق اولنه بیلان تاریخردن اخذ اولنوب یوقارویه
درج اولسان فقره لک هیچ بری بو یوم حقنه بر کونه قید و اشارتی
محتوی دکلدر .

مارالذکر طرق تدقیق وجهله معلومات عمومیه دن استفاده و کتب
تواریخک تدقیق صورتیه بر نتیجه اله ایدیه مدیکی حالده اوچنجی واسطه
اولمق اوزره استقصای وقایع و اخبارات جهته کیدمک ضروری اولمقله برابر
قطعی بر حکم ایچون وثائق قویه نک وجودینسه لزوم درکاردر . فی الواقع
قرائن ایله استدلال ایدمک اوزره اوسنه لر وقایعک بر برینه ربط و محاکمسی
ایله بعض نتایج اله ایدمکده در . فقط یقین حصولی ایچون دها قوتلی
وثائق لازمدر .

(عقودالجمان) ک [عینی تاریخی] یوقاروده درج ایدیلان فقراتندن
استنتاج طریقیه بوجه آتی مطالعه در میان اولنه بیلور .

۶۹۷ تاریخنده ملک مصر (محمد ناصر بن قلاوون) سوریه به هجوم

ایدن (غازان) خانہ حلب جواریندہ بر غلبہ چلمش ایدی . غازان خان بومفلویت تأثیری ایله مایوساً عودتندہ دیار بکرہ کلنجہ بورادہ تختندن مہجور بر حالده بولنان سلجوقی پادشاهی (سلطان علاءالدین کیقباد ثالث بن فرامرزی) غازان خان یی بک بیوک حرمت ایله استقباله شتاب ایتدیکنندن غازان خان بوقره کون دوستی توقیر ایچون تکرار تخت سلطنته اجلاس ایدرک قونیه بک کوندرمش ایدی [۱] . بوعلاءالدین کیقباد ثالث اولکی سلطنتی ائناسنده مؤسس دولت عثمان بک طبل و علم و منشور امارت کوندرن [۶۸۸] ذات اولمغله عثمان بک ایچون ولی نعمت مثابه سنده ایدی . بونک زماننده عثمان بک امارت عثمانیه ریاستنده هر درلو قدرت استقلال کارانه یی حائز ایکن سلطان سلجوقی بک حرمتاً وادباً طور اطاعت کوستر وکندینی سلجوقی امراسی کی عد ایدر ایدی .

وقتا که ۶۹۹ تاریخی اولدی غازان خان تکرار سلطان محمد ناصر بن قلاوون اوزرینه کلدی . بودفعه ینه تانارلرک دوچار انہزام اوله جنی قناعتتہ مبنی زخمیدہ لری اولان ملوک متجاورہ غازان خان عسکرینه روی استقال کوستر مشردی . قونیه دہ سلطان سلجوقی دخی تانار بیوندر یفتندن تخلیص حکومت ایچون غازانک مفلوییتی تمی ایدر اولدینی کی اولکی وجہلده اعتبار اناری کوسترمدی .

فقط امر بر عکس اولوب ۶۹۹ سنه سی ربیع الاولک ۲۸ نجی چهار شنبه [۲۷ صالی ، ابولفدا] کونی حص ایله سلمه اره سنده [۲] (مجمع المروج) جواریندہ وقوعبولان محاربه دہ مصر یلر مغلوب و تانارلر مظفر اولدق لرنندن [۳] هر امید برهوا اولدی . غنم و مظفر اولان غازان خان کوردیکی استقاللرک مقابله سی اظهار ایدرک هر طرفه سلہ تأدیب

[۱] (تذکرہ اقسرای) والده کتبخانه سی

[۲] (تقویم التوارخ) خصوصی کتبخانه دہ

[۳] (عقودالجمان) کتبخانه عمومی

اوردینی صروده دولت ایلخانیه نك اناطولیده کی مداخله سنی تأیید ایدن
 قوه عسکریه سنك قوماندانی امیر (ابوشفا) یه امر اعطاسیله علاه الدینی
 در دست وایرانه نقل ایله همدانده حبس ایتدی .

تقریباً برسنه صکرده (غیاث الدین مسعود بن کیکاووس) ی دفعه ثانیه
 اوله رق سلجوقیه مالکنه حکمدار نصب ایلدی .

شو وقایع منابی ذکر اولندی اوزره کتب تواریحده مندرجدر .
 وقعه حربیه نك ۶۹۹ سنه ربیع الاولنك ۲۷ کونی حادث اولسی نظر
 دقه النجه حربك عقینده (غازان) خانك ثمرات فتوحاتی اقتطاف
 ایلسی ولزم کلن اوامرك توزی و بوا امرلك انفاذ ایدیله بیلسی هر حالده
 برآی قدر برزمانه توقف ایدر که ربیع الاولك ۲۸ ندن اعتباراً اوتوز ،
 اوتوز بش کون مرور ایدر سه اوائل جمادی الاولایه تصادف ایدر .
 شو حساب و اعتبار ایله امیر ابوشقانك سلطان علاه الدینی در دست ایتسی
 بووقمه نك تعلق ایله ۴ جمادی الاولی به تصادف ایلسنده بر احتمال تاریخی
 واردر .

فقط مع التأسف علاه الدینك یوم اسارتی تاریخی شمدی به قدر تتبع
 ایدیلان مأخذلرک هیچ برنده مصادف نظر اوله مامشدر . کرک سلطان
 علاه الدینك یوم اسارتی کرک عثمان غازی به بیعت رسنك اجرامی کونی
 حقیقه یکی بروثیقہ نك ظهورینه قدر اورته ده موجود اولان ۴ جمادی الاولی
 کونه مشکوک بر نظرله باقق و یا خود احتمال و تقریب ایچون وقایع تاریخیه
 استقصا آتندن حصوله کله جک نتیجه لرله اکتفا ایلک ضرور ایدر .

برایندن اله کچه جک تواریحك تدقیقه دوام اولنقله برابر دیگر
 طرفندن ده بووقایعده علاقه دار اولان معاصر دولتلرک احوال تاریخیه لرینی
 تدقیق ایلک طریق موجوددر .

بو طریق ایسه سلجوقی و ایلخانیه تاریخلرینک بو دوره عاند وقایع
 مناسه سنك بکدی بکرینه مزجی و تخریسیدر .

دولت سلجوقیہ تاریخک صوک زمانلرینی حاکی اولان آثار ایله
 دولت ایلخانیه تاریخنه عائد اولان وقایعک بودورینی یازان تاریخلر تدقیق
 اولنمق صورتیله علاءالدینک یوم اسارت ویا وفاتی کبی برقیده دسترس
 اولنورسه سالنامهده مندرج اولان ۷ جمادی الاولی سنه ۶۹۹ تاریخنی
 عقودالجمان وتقویم التواریخ واقسرائی قوللری ایله یوقاروده ذکر ایلدیکمنز
 وجه تدقیقندن دها قوتلی اولهرق محاکمه یه امکان حاصل اولور .
 وقایع سائرہ ایله استقلال عثمانی بختده دولت سلجوقیہ نک انقراضنی
 مبدأ اتخاذ ایدن روایاتک جمع وتلفیقی دخی استدلال طریقہ ذکر اولتان
 ۷ جمادی الاولی تاریخک تحقیقنه یاردم ایده جکدر . تاریخ عثمانی یه عائد
 تدقیق اولنه حق دیکر آثار ایله سلجوقیلره وایلخانیلره عائد اولهرق
 تدقیق ایدیله جک آثارک مطالعه ومحاکمه سی بومقاله یه ذیل اولهرق آبروجه
 یازلمق اوزره ختم کلام اولنور .

افضل الدین